



許念祖字永言號希古監生陳果園藏彙

秦中懷古

嬴氏雄圖落照中山川形勝尚崇隆
水來九折黃河路天峙三峰白帝宮
終見降王迎御輦漫教術士訪仙踪
廢興莫問咸陽事萬古潼關逼太空

蜀中

蠶叢開國久蒼茫事業西南幾戰場
漢室臥龍軍壘在成家躍馬帝城荒
崢嶸劔閣雄秦甸浩蕩巴江控楚疆
千載詞人摘藻地含章秀發弔王楊

鄴中



當塗高踞竟三分衰草漳濱認故墳烏鵲有枝栖
夜月銅臺無瓦化寒雲建安詞賦原才子天下英
雄讓使君張掖他時流石馬更何人託魏將軍

姑蘇

夫差舊壤草平鋪城郭空存憶霸圖盟主不知天
與越老臣早見國非吳月明江上潮猶怒花落洲
前境已蕪長晉伐齊成底事頓教麋鹿滿姑蘇

明妃塚

夏半瓢探驪集

君恩新識畫圖真玉貌誰憐委塞塵惟有李陵臺
畔月千秋同照漢宮人

陳培脈字樹滋太學生出探驪集其詩散見里
中者二編續出載過別裁不綴

贈沈芝崗

山水含清音吳興實靈壤自古多俊民流風被州
黨夫君後來秀抗迹千載上德音何孔昭今吾結
遐想

寤寐亦云勞覲止良已暮美人方滿堂目成獨余
顧探懷贈芳蘅珍重托情愫感此繾綣心涕下如
零露

古聲日以微繁響競哇淫朱絃獨疏越風不有遺

音聞聲固自昔托契方在今惠而能好我一鼓邱
中琴

送沈芝崗歸吳興

舊好託素心新知眷良足晤言期許子時來一促
膝尚論窮皇墳雅音辨樂律共副饑渴懷何啻膠
與漆

回首京洛遊風塵何瀕洞翫麟不諧時文彩特驚
衆鐘鼓祀爰居尉羅篡威鳳厄窮自古然迴車能
無慟

秋氣方次瀟離緒忽以促願言永今朝設饌申款

曲白駒不可維迢迢反空谷比德喻生芻其人信
如玉

許名崙字蘊源號訪槎監生應博學宏詞試

再寄家人

結髮相從情有餘牛衣任泣惜分裾 堯天皞
難肥遜潘鬢蕭蕭竟索居別後襟懷應更減秋來
眠食近如何春風敢望泥金信且寄平安尺素書
有贈

五陵俠客遠行遊一曲紅綃醉未休笑我寒酸無
贈物濤箋一幅當纏頭

商聲促節瀉琵琶動引離人不憶家我恨乍宵鄉
夢短肯將心事托楊花

許士奎字元士號嘯圃監生已上俱載探驪

子夜歌

知歡未識面欲避不與見花枝太無賴抓住盤金
線

韓澹字大川號竹溪散人嗣孫振寰述

過青邱作

一棹熏風過北洲轉西村落即青邱鳳臺有集人
何在江館無踪水自流紅板橋邊沈酒店綠楊樹

下釣魚舟目前美景須行樂不管蒼生易白頭

趙接字客菴號學圃有綠雲居草子九臯藏本

次金蔚園見懷原韻

海國英才藪先生大雅門絃歌沉永漏風雨念孤
村猶憶題鴻韻曾經把酒論不堪江上望秋思動
鄉園

秋夜懷京都可亭弟

秋宵誰唱望江南明滅青燈漏轉三感動吳淞厓
上客夢魂飛渡萬重巒

泰岱峰高濟水深三千客路五更心遙知北極登

樓望足練難將故國尋
鴻飛冥冥薊門高長隔黃河萬里濤
姜被不溫蠟鳳遠東籬獨自把霜螯

示仲子九臯

海國吾生地淞濱爾故鄉
別時梧葉落歸省菊花香
只此家庭樂何須富貴場
同吟忘日暮窻外雨絲長

戈湘字贊王號澹寧善書畫陸靜軒藏橐

梅花上下平三十首之三

瓊枝不與衆芳同
早釀春和一歲終
誰識未花先

有韻放梅只待好東風

南北江梅花已齊
雪消晴路活春泥
不嫌野境無人到
靜掩柴門聽午雞

登臨每恨宿緣怪
安得羅浮一枕山
屬意梅花千萬樹
置身茆屋兩三間

夏點字與曾號漁村以館爲家沒於保聖東北院周易安藏橐

寄吳山道人徐湛懷

握別三秋又半春
仙居重卜遠紅塵
遙知瑤草琪花處
一卷黃庭禮玉真

南里遺言 七夏四
春來多病懶登臺
慘綠愁紅眼倦開
惟有懷人情
一片不須招得也
能來

絕罷風聲又雨聲
寂寥煙景近清明
杏林有酒無人醉
獨立江頭望遠城

萬種離愁一尺書
寄將聊慰故人疏
高情如許憐
岑寂跨鶴重尋野士廬

賦得天地一沙鷗
陳名章口述

地老天荒後
詩人已白頭
浮沉一點雪
飄泊五湖秋
忘機慣汀蘆
弔影愁

陸焜字奕輝
號硯樵
禊亭之後
壽八十四
著有
研石山房一卷
其孫鏞字序東
號靜軒
集其橐
未竟而沒

秋夜

如水秋光好
疏林得月多
聞聲感搖落
顧影發長歌
幽意淡如此
我懷竟若何
廣寒高百尺
脈脈問常娥

題陳象乾騎獵小照

丈夫意氣當昂藏
桑弧蓬矢志四方
何事徒守兔園冊
終年矻矻窮縹緲
自古經文定緯武
喔雞

聲拔劍舞燕頷不肯作書傭萬里封侯投筆取陳
君示我試騎圖南山射獵讀書餘圖中之人美如
玉欲何之乎吾欲呼

古意

伐木須伐檀采花須采蘭天然有香質絕得供郎
歡

送周价人之維揚

汝南有佳士人共目狂生挾筆龍蛇走吟詩泉壑
鳴三春寓仙館六月返蕪城杳冥鴻去歲寒我
訂盟

哭硯村五弟

一烏哺九子三女得六男兩雛幼不育四子共依
瞻上兄下二弟我行次居三子多母血枯愛深父
訓嚴書包每同抱推食讓梨甘我年甫十四北堂
痛寢苦季弟少六歲哀毀尤不堪

生我兼鞠我椿樹鬢毛斑祖業貽清白食指衆維
難男婚併嫁女力劇精亦乾潑墨圖五岳形神自
相憐秋來呼易簣淚竭摧心肝

長兄四十九中道嗟無祿孤鷄泣呱呱撫棺不成
哭頭角嶄然見有後期邁族痛兄爾亦病神瘁似

槁木力疾試風檐空羣拔小陸

金風起天末颯々颺其颺吹人斂肌骨肺腑同煎
熬弱質素柔脆饑驅意興消二豎乃爲虐補髓無
神膏瞠日向吾視對之心鬱陶大兒未成立小兒
始垂髻大故變倉卒束手徒跳號賴有穎川妹推
本恤同胞不惟視含殮更爲贖青袍楓林雲黑々
魂往不可招

西施

苧蘿相訪訂終身霸越亡吳共苦辛朝夕含顰盡
奇計鑄金合鑄浣紗人

費溥字又張號閒軒壽七十八馬澄川藏本

春日雜詠上下平三十首之六

椒蠶浮尊煖先披第一風置身詩苑裏餬口市廛
中髮禿無緣白花殘不再紅衰遲何所望維有祝
年豐

傳家無長物七尺葛坡筇杖入煙霞裏芒屨踏翠
峰古藤懸絕壁老鶴占高松更陟前山去探奇興
未窮

無告一狂夫徧將翰墨娛何常處順境那肯哭窮
途翠幄牽蘿補花茵疊絮鋪平生心計拙任彼鬼

柳榆

瓦鼎燒芸葉松窓讀古文英雄成敗定曲直死生
分水落沙俱露春濃草亦薰漁歌清且亮意豈在
停雲

自賣名花後茅齋轉寂寥留雲分石榻醉月典吟
瓢玉翦裁風片金梭織柳條藩籬無鷺鳥容易寄
鷓鴣

空庭常不掃苔蘚兩三層寒色春來減泉聲雨後
增蛛縈礙蝶網蛾扑讀書燈消歇閒桃李新栽耐
久朋

秋窓雜詠上下平三十首之四

幽居城市遠心逸體安舒仙佛一尊酒剛柔兩卷
書衣冠雖樸陋禮貌未生疏清靜寒潭水中藏避
釣魚

敗壁補新泥誅茅理廢畦小橋溪宛轉細路石高
低彩羽丹山鳳花冠碧樹雞知余頗好客來此共
幽棲

瘦似松巔鶴閒如水畔鷗人貧詩亦鄙家便學先
優舉世誰青眼浮生久白頭當年漢狂客有刺不
輕投

南宮遺言 陽車言直二 易安書屋
懷人徹曉坐是處有哀音季女停梭歎莎雞穴壁
吟蕭騷失侶鴈徐疾寄衣砧尺素終難達空悲秋
氣深

澄川書館小飲玩瓶菊

連宵無好月風雨送殘秋籬下移黃菊尊前對白
頭借君杯內酒消我腹中愁吟罷頽然卧書牀且
暫休

除夕過夏半瓢居

歲事粗粗畢呼兒閉竹闌踐君昨夜約消我此時
閒風掃庭中雪寒添畫裏山微吟腹橐就高聳兩

肩還

登樓

晚來無所事草閣獨凭欄弓月一彎白江楓幾樹
丹酒醒嫌味薄人老怯秋殘今歲重陽節黃花何
處看

次除夕書懷

乞取泥金帖書余無告圖兩殮常不繼一弟別中
途雪霽梅花瘦衣單病骨癯兒曹渾不解猶說換
桃符

不寐

夢回山月掩起坐聽悲蛩薄命多顛覆燈花空自
紅秋聲一夜雨寒影五更風種種淒涼調齊來百
感中

送李硯山歸山陰

秋風禾黍香遊子心悲傷聚首忽言別爲歡苦不
常霜侵烏柏樹紅葉亂離腸以此一尊酒送君歸
故鄉

送盛永光北上

落日吳江道楓林晚葉稀不堪人北去正值鴈南
飛碧海一輪月送君霜滿衣故園有叢菊慎勿樂

忘歸

登瑞光塔

拾級浮圖頂置身霄漢間仰呼通帝座俯首看青
山野鷓避人去白雲行雨還暝煙分四合鐘鼓出
松關

雙忠祠

虎踞龍爭地年來戰伐銷天心屬聖世臣節
盡先朝尊酒空遙奠雙魂何處招昇平問遺事一
爲付漁樵

病中自遣呈交好

誤遭屐齒折兩月竟高眠貧病交情見衰遲眷屬
憐啾々鳴小鳥咄々逼殘年何物能消遣南華第
一篇

黃菊開時哭古宜先生

江渚風流客花時酒共斟自君捐館舍使我廢謳
吟碧草恨無已寒蟬怨更深茫々泉路杳何處寄
愁心

老少年

具此好顏色風流遲暮中豔分宵月彩嬌奪曉霞
紅衣錦雞皮媪簪花鶴髮翁尋香癡蛺蝶幾度繞

芳叢

春夜

淡月生花梢微煙冒柳條多將辛苦意度此可憐
宵吟興有時倦春魂何處銷懷人兼惜別瘦盡沈
郎腰

歲暮病中

病戀寒衾久驚心歲暮間霜花欺短髮菜色上衰
顏曉雨驅愁至宵鐘喚夢還相過多父執感歎淚
痕斑

秋月

南三遠詩
隨車詩五
易安書屋
白露當空下蟾光淡欲流莫辭達曙望幾見照當
頭映水一泓冷遙天萬里秋何人弄長笛韻出最
高樓

春夜懷李端士

梅影橫窓夜漏沉照梁月色亂愁心十年顛賴新
知少一水相思舊雨深別後鬢毛俱染雪折來楊
柳已成陰夢中有路何曾識擬向春江鼓棹尋

懷胡祖宇客四川

望遠頻登江上樓昔年於此送行舟故鄉花鳥當
三月異域星霜又十秋別後魚音常自杳傳來烽

火不勝愁子規夜夜空啼血蜀道如天何處留

送陸魯湄移家南塘

荒盡湖田就硯田茅堂新築枕江邊繞畦菊自飛
黃蝶近水人多種白蓮偶訪釣徒臨浦上爲尋僧
侶出村前旗槍初試君家味莫負淞南第六泉

春暮書懷

鳥語花香草色新坐消清晝病餘身久拋謝客登
山屐閒却陶家漉酒巾偶爾著詞緘別恨無端拭
淚送殘春自磨青鏡頻照畫裏容顏又未真

由高店至松陵道中

江光如彩絢朝霞渡口人稀鷺立沙紅樹青帘開
酒舍黃蘆朱蓼隱漁家迎舟面面山重疊截水條
條斲曲斜設色倪迂圖畫裏鼓聲都是賣魚蝦

喜得戈鶴岑歸音

十年放誕客天涯一紙歸音半信疑浪迹喜君仍
健在守株愧我已衰遲離憂頓釋非關酒遠道相
思每托詩相見定憐貧病久燭花頻看夜闌時

贈胡西垞

羨君踪跡任扁舟特訪淞江九月秋多難少年長
作客無家垂老不登樓道歸騷雅詩千首運落風

波雪滿頭莫歎逢迎少耆舊平原公子昔交遊

乞花

帆居野老擅風流臨水柴扉竹徑幽贈珮紫蘭方
首夏分根紅藥正中秋人閒靜理栽花圃室陋遙
臨倚月樓君若興濃來訪我到門莫返子猷舟

漫興

數椽茅屋枕清池醫俗琅玕竹幾枝閒坐小窓梳
白鬢靜聽高柳嘯黃鸝溪翁攜得魚雙尾社友分
來酒一卮默契阮亭憐後學焚香補讀宋元詩
一裘一葛老淞濱蟹舍漁莊結近隣座右圖書終

歲樂檻前花葯四時新自矜白屋談詩客不作朱
門仰息人垂暮怡情惟有酒杖頭沾得杜家春

立春後一日

鳳麻頒來歲又加負暄偏在日西斜啼饑野雀爭
卑樹無告窮民聚一家久諳世情如嚼蠟漫嗟生
計若團沙遣懷詩就蕭然坐紅燭爭開豔之花

對菊吟和吳江陳易門三十首之二

出世何煩篤耨薰散人舊澤本清芬時開意蘂裁
新語頻結心香讀古文邀得庾公乘興月留將宏
景自怡雲於中領略無窮趣不覺悠然到夜分

雨歇廉纖薄暮天態妍香靜月娟娟移將老圃秋
三菊怡稱蕭齋竹數椽邱壑性情安淡泊藿藜腸
胃遠肥鮮夜深欲結幽窻夢木榻陶然自在眠

自題詩丐圖

行吟踏徧化衣塵嘔盡心肝剩此身骯髒何妨稱
勾者風流仍許作詩人胸無伍相吹簫恨境有陶
公乞食貧賸馥殘膏沾受得半瓢一杖杜陵春

梨花

乍晴乍煖賣餠天玉立亭之碧檻前裁得素雲爲
舞袖蟾宮贈與月娥穿

朝飛江雨浥緇塵淚滿欄干泣太真淡蕩柳花千
萬點風流不屬細腰人

鷺鷥

公子翩：白雪衣鶴雛風格半依稀眠沙宿葦江
湖老不近龍樓鳳閣飛

閨詞

十三十五細腰肢戲結同心綰柳絲笑摘青梅打
鸚鵡恠他不念送春詩
熏爐獸炭睡懽：扑面西風不捲簾昨夜挑燈落
紅蘂新愁又到兩眉尖

韓世琦字錦堂號後圃武庫生有詠蘭堂文賦
詩詞四種周易安所藏詩彙僅得其半

巫山高

巫山一何高雲氣常藹：中有巫山神不出巫山
外旦暮陽臺下爲國施甘沛哀哉楚襄王恍惚若
可會宋玉恃其才作賦貽厥害所以好色者千秋
迷下蔡

幽居

深不必入山曠不必面野結茅蔽風雨豈不念陶
瓦室中維琴書門外絕車馬寂處靜無爲養心欲

自寡蟲飛何薨。鳥語何啞啞。淵默氣自全。獨坐
南山下。乾坤一草廬。淡焉而心寫。

出門

出門踐嚴霜。舟子問何之。言往東南隅。將以慰所
思。晨光恨熹微。渡江何遲遲。豈不愛偃息。衣食難
自持。毋爲戀故鄉。鼓棹行勿疑。

新正四日集老梅山房得文字

開年絕四日落雪。何紛紛。欣言酌春酒。相賞有奇
文。衆賓悉精妙。吐辭揚清芬。鐵樹發妙花。望之絕
塵氛。禪理參莫解。神悟若有聞。炊煙竹外飛。變化

爲浮雲林際散。曾吟握手何忍分。仰視天蒼蒼。春
意含無垠。

送徐青雲鍊師

野鶴從空來。飄飄多風雨。凡鳥不能識。鸞鳳相爲
伍。忽然欲飛去。矯々揚其羽。不知何所止。佇立江
之浦。

折楊柳

楊枝鬪妾腰。柳眼窺郎面。盈々妾與郎。夙昔長相
見。一旦感別離。時節忽已變。天道豈如弓。流光何
似箭。駿馬罷朔風。冷月停團扇。長笛不堪聽。夜淚

痕如線

烏夜啼

老烏夜冷枝頭坐皎々霜天啼不破有客謫居夢
未成援琴收軫歌相和清商入調方瀏亮宛如朗
月開重障須臾忽似變爲羽鳴嗚啞啞聲何苦恍
惚如訴無可棲指法跌宕高復低絃上齊鳴名索
鈴餘音徐歇難爲啼此曲至今猶是昔我曾十載
娛朝夕座上知音莫謾彈夜半一聲頭欲白

鯨鶴

北溟鯨魚化爲鵬六翮一舉九萬程海中凡鱗共
有志冲天骨格早已成幾次化龍身不死一朝投
網鬻諸市鑿冰凌陰冷骨悲煮鹽廣斥槁魚美豈
知求生泣釜中當思奮翮青雲裏青雲無路翼斂
然蒼苔白石空畱連大海茫々不可返時欲一鳴
聲驚天

新正雅集詠蘭堂

春來隔歲梅花報新年喜見故人到呼童掃雪延
入戶不覺接甌爲之倒徐君城北著千秋潘子河
陽擅風流高陽才子世濟美仲御洛市邀來遊趙
州不到良可惜延頸高望日已夕日夕不來無奈

何草堂此會無禪客人生樂事惟聚首主賓自古
欣握手豈無彩筆寫蠻箋愧乏春盤佐椒酒椒酒
爲此貯百壺百壺傾倒再出沽幸生 聖世介眉
壽醉來屢舞狂相呼

正月十四社集老梅山房

老梅山房花發時常邀名士題新詩茲辰又近上
元節我輩重集同蘭卮斯時酒興不可遏分題拈
韻催擊鉢徐公前輩老詩翁趙州主人坐其末我
吟其中列成鼎騷壇旗鼓各相等壁上觀者有趙
王欲豎降旗那得肯須臾天半散飛花天花飄落

①沾袈裟一聲清磬酒初歇揮毫落紙如龍蛇詩
成酒酣慷以慨欲歸不歸者之再今宵明月月未
圓明日梅花花對誰

送蔣祖開之滇南

滇南萬里君敢行大笑出門意氣橫旣成丈夫當
有志勿以兒女牽其情居家直如蛙在井奮翮乃
化鯤爲鵬興至而往興盡返毋使高堂白髮生

西施

館娃宮樹久荒蕪浪說佳人失霸圖驕主力疲齊
晉役忠臣謀沮種蠡徒出身已報將亡越專寵難

忘既燼吳雖是扁舟湖上去夢魂無夜不姑蘇

王嬙

傳宣塞外去和戎始得君王一見通世路盡如毀
畫鞏愁腸強似老宮中沙場蘆管吹黃葉馬背琵琶
訴朔風爲語漢家無戀妾容顏不與舊時同

風箏美人

少女殷勤舞掌中步虛遙上畫樓東折腰影落情
何極逸響雲停曲未終長袖忽驚石燕雨采絲欲
斷翦刀風晚來纖手相招下疑是常娥降月宮
整頓衣裳畫彩鮮却身側立故流連向人略借輕

擡力便可憑空直上天莫笑秦聲樓畔落何嫌趙
后掌中懸十三鴈柱殷勤奏撥盡東風第一絃

水中鴈字

倒影長天浸碧波數行潦草更如何蟲書淺印濤
箋薄沙畫深摹鳥篆多戲海似傳鍾子筆臨池莫
認右軍鵝憐他江上沉音久萬里秋風繫帛過

辛未冬季寫懷

年來琴劍典無餘駑鈍天生偏讀書歲晚忽驚爲
學淺家貧莫笑治生疏往來流水原無盡今古浮
雲只自如藐處乾坤人欲老不知何日見鳶魚

雨後觀映上人種木瓜

祇園春雨試新茶忽見閒庭種木瓜
問道幾時能結果荅云隔歲已開花
根頭應傍宣州石池上渾疑淇水涯
一自瓊琚相報後不知詩思在誰家

燕泥

天南二月剪刀風知是陽和地脈中
掠去未沾飛絮白銜來猶帶落花紅
一簾雨印香塵軟四野雲封倦翼
翀爲語詩人能作否不勝惆悵畫梁空

飲器

披衣夜起漏聲幽洞口春生瀑布流
枯骨已消襄

子怨儒冠還對漢王羞何關雲雨陽臺夢
不伴蛾眉薤萼秋笑殺張顛眠未得一壺共貯
在牀頭

次許竹素先生九日過秀野堂韻

九日一尊酒登高不易攀何如尋舊社
相與話秋山梵響徹天外鴈聲落木間
徘徊未忍別池上玉鈎彎

春夜

暝色收殘照東風靜掩門千金容易事
一刻最消魂秉燭懷人古題詩落月昏
應劉共飛蓋誰似魏家園

壽顧松厓

總角便相識而今更若何功名如我薄富貴讓人多邀月雲千甕垂綸雨一蓑他年期握手同唱采芝歌

擬江蘇萬民恭謝 皇恩詩

天災挽 帝力水國祝山呼大惠博而濟羣黎死復蘇歡聲起四野瑞氣滿三吳此典只今有我皇自古無用人追稷契致治邁唐虞衢巷須傳誦風行徧海隅

賦得仙管鳳凰調

嶰谷天生管鳴風上下翔帝臣造律呂靈鳥協宮商乾健先徵鳳坤貞次配凰三分定損益九變盡陰陽琴瑟梧枝老笙簫竹實香來儀昭舜德和韻接高崗

恭和 御製爲有源頭活水來

一六生成天地胎偶然相扣悟機開曾經子細推詳去始得從容指點來自合直窮星宿海不須謾論坳堂杯一泓清徹微言見萬象虛涵大道推潑流行當喫緊淵立本重低徊久知溝澮盈旋涸默喻原泉信莫猜羲世河呈昭卦畫虞臣洛獻

定瀾迴 聖人早識其中意獨鑿川流稱水哉

臨洞庭湖

天地開巨浸浩浩雄楚都紛紛木葉下思欲歸東
吳東吳隔千里渺々不可踰四顧何茫々風波多
所虞登樓一撫覽側身孰與徒

宴訪槎許徵君莊

荏苒歲云暮同雲塞玄穹瀰漫岐路積覆幘當朔
風我心眷醺會有客于焉從嘉穀多且美斗酒良
不空咄哉梁園叟作賦誰與同

夏漁村遷居非得已也為鳥言以勉之

鳥鳴何嚶々四顧眇喬木豈不戀舊巢一往不可
復苟得非所歡綢繆一何速毛羽不豐滿徒為几
上肉逮夫六翮成鵬程更可卜不見徙南溟息以
月之六殷勤為鳥言笑者非我族仰望情彌長一
篇每三覆

僧房猫

紅鹽箸裏換狸奴每食誰與彈鋏歌甘守山僧一
鉢老蒲團低首念彌陀

初夏集凌翁草堂憶春分賦三首之一

倦飛乳燕正栖檐花影墻東月半簾記得春遊歸

去晚孤村煙重失青帘

送徐漢陶之館不及賦此以寄

欲別不曾別春風勞夜吟遙知一片月照得兩人

心
聞鴈

蕭蕭江上客散步吟秋夕嘹唳數聲中蘆花頭欲

白
玩月

獨坐空山裏紛紛落松子仙人采藥還松下吟未

已
朱承祖字景亭號後庵庠生子丹山藏本

報罷口占

白下歸來擁敝裘十年風雨泣牀頭本無詞賦傾
南國只合衰殘臥故邱滿壁亂蛩吟舊怨幾箱敗
蠹著窮愁而今事業吳淞上三尺綸竿一葉舟

寒食

梨雲野館淚泫然獨對東風寒食天谷口天桃剛
半笑渡頭楊柳正三眠百年旅夢迷蝴蝶萬里歸
魂泣杜鵑麥酪至今猶是煮遙思綿上久無煙
與敬陶張大話舊

吳門握手重思前，出處於今已惘然。
遊子不堪論歲月，故人依舊卧林泉。
季鷹老去尊鱸興，元亮歸來松菊緣。
朋輩天涯淪落盡，秋風已愧祖生鞭。

無題

義士今無古，押衙眉鎖黛，綠臉銷霞，侯門本是深。
如海孤負城南一樹花。

贈別女校書次韻十四首之八

鴛鴦湖畔水無邊，雙鯉迢迢信莫傳。
最是曉風殘月候，繞梁餘韻使人憐。

檀板銀箏月下逢，淺斟低唱意何窮。
無端又向河

橋別渺，煙波一夢中。

幾度魂銷解語花，盈一水隔蒹葭。
可憐煙雨樓頭月，占盡清光獨到家。

柘枝舞罷暫徘徊，漫捲繡簾邀月來。
一曲明珠人盡豔，等閒飛夢到瑤臺。

黃昏清絕怨如何，破撥聲繁咽又歌。
我是江州舊司馬，青衫點點淚痕多。

采菱歌怨解行舟，浦鳥汀花相對愁。
回首春風橋下水聲，嗚咽不南流。

目斷仙槎弱水東，對牀孤枕思無窮。
千家砧杵三

更雨迸入離愁別恨中
秋來何事最相思露冷蛩吟月上時莫笑江南窮
措大每題一絕泪雙垂

自歎次韻

年過五十始知吾明鏡驚看病後殊對月高歌拚
獨醉看山倚杖藉相扶虞卿著述非求達阮籍猖
狂豈是愚日暮滄江最愁絕近來青眼亦模糊

送程心栽金雲莊鄧尉觀梅

姑蘇臺上一輪月姑蘇臺下千林雪之香月豔夢
魂清一夜相思渾欲絕

胡涵齋徵

陸澧字渭源號芝厂子淳芳藏本

曉發南莊嶺望嶽

望嶽陟南莊光恠未可既延袤阿房煙橫亘豐城
氣神龍抗天地吐霧任蒼蔚雲開千里青日射五
采沸豁然羣峰俯凜乎岱宗貴吾生永涖間瞻巖
誠所未忽睹刺天勢頓悟聖言味遂命返轡趨遑
惜馳驅費逸興沮同行壯心不獲慰平生仗精力
躋攀匪我畏有日升崇巔一嘯舒腸胃

白燕

春社年年至驚看冒雪歸我添新白髮汝換舊烏

衣夢帶梨花雨香銜柳絮飛霜檐暫止息相識莫
相違

關山月

明月昇滄海寒光浸戍樓一聲金柝冷萬里玉門
秋地白生鄉思機黃動遠愁征人當此際應悔覓
封侯

送春

雨過綠初肥春銷紅雨稀遊絲綰不住濁酒送將
歸蝶粉隣家褪茶香隔院霏楊花何處起點：逐
愁飛

金山夜泊

雨阻金山麓登臨愛晚晴天空江萬里人靜月三
更北斗旋河影西風過鴈聲解維煙霧白不見石
頭城

潤州中秋

琵琶
旅夜不成寐登樓望月華笙歌升別院砧杵落誰
家歸夢前宵短鄉心此夕賒天涯飄蕩客詎忍聽
琵琶

大明湖夜泊

金色微波漾涼風動客愁一輪將望月千里未歸

舟橋鎖東流濟城高北極樓鄉闕何處是雲樹已
含秋

中秋後偕友步山塘

爽氣橫空澗壑幽蓼花風颭白蘋秋鐘敲遠岸斜
陽寺簾捲平橋載月舟綠水紅欄新酒肆丹楓黃
葉舊僧樓籬邊菊綻登高近未必他山勝虎邱

丁未元旦

勞力勞心七十春新年原似舊年人黍藜贏得三
飧舊冠履何來一事新藉有琴書堪養靜雖無擔
石詎憂貧莫言造物偏勞我勞我須知保我真

余甫韶戲卽好咿吾而先君子及受業師皆以
不列制科有妨時藝爲戒然課習之暇每就平
昔交好借閱偷吟是嗜好性成而故違父師嚴
訓於心終抱不安逮二十有三受知于博陵尹
夫子厥後歲科兩試詩文竝重乃得與里中竹
素訪槎許先達古宜馮前輩樂數晨夕拱聆教
益他若騷壇酒社月墅花村靡不分題角韻擁
鼻苦吟覺此外無他戀也迄今五十餘年馬齒
六十有三塗抹益多若不稍加鱗次行且窟鼠
飽蠹矣因選如干首錄成一帙等諸空山絕壑

樵人野唱而已詩云胡哉此樵聲所由名也時
乾隆五十三年半瓢夏鏞聲禹錫氏識

擬日重輪

日重輪泰階平調玉燭黃河清鳳凰巢於阿閣百
獸率舞乎丹宸雕題鑿齒重譯來京支弋占風
而稽首請臣黔黎仁壽伯昌繁盈擊壤歌歌嘽
當今皇帝陛下萬萬歲

車遙遙

車遙遙路迢迢車行有時歇妾心無斷絕車能千
里萬里送征人妾身莫到陰山陰但愿妾身化爲

輪困木坎、伐作雙、轂迴旋同赴長城曲

遲醉石許二小飲荅賦元韻

摘蔬不盈把聊盡故人歡我興濃於酒君言清似
蘭文章身後定天地醉中寬相對忘宵永窻前雨
正寒

乙巳秋喜禮園邱四重過甫里吟贈一律兼
詢儀堂贊府安

不見故人久天南煙水長兩年雲外鴈九月雨中
航重以心知雅能無離別傷還鄉陪鯉對爲我慶
康強

懷人

拍冷紅牙天一方玉人何處奏清商情聯十幅雙
湖席夢斷三秋七里塘風片逐花翻舊恨雨絲和
淚濕新章竹枝不敢閒來唱怕引離愁節節長

夏初半瓢居卽事酬竹素老人

醅醖壓架長新枝花底分箋合鬪詩獨立蜻蜓低
弱草雙飛蝴蝶趁遊絲論文不覺烹泉數愛客休
教貰酒遲交翠滿庭落斜照此中清味幾人知

村居卽事次訪槎許徵君原韻

古木參天掛古藤茅齋靜掩似閒僧沿溪牛背迎

風笛隔岸漁莊掛日晷半畝渠池新芡藕十年詩
酒舊親朋村居消受清閒慣任我支頰曲檻凭

風雨中夜泊胥口

不堪蕭颯繫孤舟獨向殘燈古渡頭寒角尚吹鞭
楚恨怒濤猶撼沼吳仇酒當不寐偏無力詩到難
成別有愁夜半蓬窓僵卧冷一天風雨未曾收

懷西垞老人

雲海茫茫寄托賒散人踪跡徧天涯三年春水搖
何處八月秋床掃幾家多分江關勞筆墨不堪霜
露問蒹葭短箋欲附尋南鴈惆悵西風落日斜

隨分

年來絕不計窮通得意無過隨分中
護菊曉寒蓑笠雨煮泉午戰荻蘆風
詩尋芳草吟魂綠酒對新花醉眼紅
活潑世情如大海漢陰早有息機翁

題畫

如許蘧廬祇一瓢背山面水劇飄蕭
懸厓瀑布千尋雪撼嶺松濤八月潮
雲海虛涵天渺渺煙巒入望路迢迢
斜陽影裏憑欄客遙指吟人度板橋

閑寫

杜門守拙謝浮名斗大蝸寄廬此生
書卷積疑欣

得間酒杯適興不求盈采菱餉客和
雲煮汲水澆花帶月傾俯仰正寬心
自逸那知人世有愁城

詠梅花次韻

孤標惟與冷雲知占得春風絕早期
竹外伶仃疑有骨雪中蘊藉似無枝
魂依醉客酣眠處香入吟人覓句時
寄語海棠休浪想聘成原不慰相思

冬日過來軒小飲得三字

酒到今宵分外甘故人重發舊時愁
掃開心事霜林葉引起詩情冰繭蠶
夜蠟話消燈影半寒更坐入鼓聲三
無多聚散增惆悵忍把滄桑仔細談

初夏胡西垞陸硯樵過半瓢即事

春江曾此繫輕舸忽重過換葛袍賭墅互尋樵

上劫敲詩獨吮案頭毫愁綠顛顛三年別貧故經

營一飯勞却笑庭前新養竹偏書个字出墻高

九日憑高獨酌

雲斂煙收天正高橫空一鴈下寒臯黃侵紅樹知

江稻白點朱萸見鬢毛不受人憐休送酒且行吾

素亂題餒茫今古登臨感長嘯西風擘巨螯

江叟遲賓

吳淞江畔闢柴扉地僻留賓土物稀梅雨向晴筍

尚茁稻花旋褪蟹初肥一尊文舉拚燒蠟十日平

原愛典衣不解吟人每過訪款關相對便忘歸

烏樓曲

北風吹古樹古樹有烏樓不許儂成夢啞啞相向

啼

送春有懷

去年握手送春回今日春歸酒一杯不是酒濃容

易醉愁扶酒力上顏來

蠶豆

陌上青青枝復枝可憐成繭不成絲三眠若向籬

筐老鄴下應無七步詩

題西垞石壁題詩

踏破茫鞵看徧山笑他健筆未曾閒
凌雲一試摩崖手點得石頭都不頑

題山居幽憇圖

挿天翠嶂鬱重重百丈飛泉伯尺松
借問山翁住何處小橋過去亂雲封

題雪裏梅花圖

只橫斜處劇精神六出花封五出勻
不用評章費詩思色香腕底十分春

子大典大文藏本

沈振字德五號蓉軒庠生 壻曹斗槎藏本

白蓮

高捲珠簾水榭幽玉簫吹徹調悠悠
閒鷗日暮歸飛急誤扑花叢覓舊儔

銀塘風細氣氤氳欲弔湘娥滿白雲
夜靜偶依曲檻立月光花影倩誰分

七夕有感

離欄曲度微風乞巧穿鍼處處同
寄語雙星漫惆悵一年猶得一相逢

春閨詞

盈之十五倚銀屏螺黛初施分外青學得琵琶彈
未熟背人閒唱短長亭

昨夜東風上海棠含情無限倦凝妝溪頭流水桃
花片不賺劉郎和阮郎

一番花信一番風粉蝶翩：小院東縱是碧桃貪
結子爲誰零落減芳紅

與健伯許山人話舊

蕭颯寒塘路幾重廿年重到話相逢一簾幽夢三
更雨半枕濤聲萬壑松興到有詩消歲月別來無
恙又秋冬挑燈拚得終宵坐愁上河梁問去踪

送族兄北上

分手今何道相看掛席行一尊南北路萬里弟兄
情河水流聲急燕雲極望橫異鄉宜自愛遙與慰
生平

子夜歌

楊柳無情樹亦解別離苦春來散作花香：江之
澣

儂心如春草會向春風生勿慮易黃萎化螢亦照
鄉

廣陵懷古

升上青，柳未凋繁華轉眼憶隨朝春風何處三千女夜月依然廿四橋此日雷塘迷宿草當年宮樹翦輕綃攜琴不向平沙奏恐有魚龍起暮潮

人日集履素堂得人字

悵望登高日華堂列衆賓青衫容我舊白髮入年新把酒看長劍題詩對早春小窓梅影瘦纖月淡迎人

題扇頭桃花用崔護原韻

鷓鴣聲斷綠陰中無復天姿照眼紅幾度尋春尋不得却從袖底笑春風

許開岐字鳳臯號芑洲元祐之後屢試不遇年

未四十而沒無子

馬澄川藏本

芙蓉映水歌

江南八月金風起芙蓉開徧秋水女郎隔岸踏歌來花容人面差相似對此亭，感自多由來好景去如梭只愁一夜新霜落凋謝朱顏奈爾何

擬戰城南

戰城南陣雲低兩軍相決命天地爲之悲朔風慘白日無光殺人如麻將士俱傷橫尸積野胡可量鄉里聞知愁殺妻與子爺與娘誰非人子誰無

父母何辜於天死無處所

戰城南日將夕鳥不下獸遠跡戎衣戰血腥寶刀
潤膏液夜來風雨黯淒淒鬼哭聲中燐火碧

柳短之送陳常之都門

柳短之春風煖故人從此別一去何時返攀條贈
遠遊魂斷木蘭舟蘭舟向何處遙指薊門路日斜
風起濤聲怒

楊白花

楊花故飛飛飛向江南去捲簾含怒罵春風斷送
楊花往何處庭前楊柳自依依芳心撩亂淚霑衣

相思願託東南風吹轉楊花入繡櫳

秋江離別引

江上秋風來茫茫浪花白非是妾留郎吁嗟行不
得

渺渺碧波流風吹古渡頭儂心若江水長逐木蘭
舟

送春詞

九十韶光轉眼非晚風楊柳自依依黃鸝不語雨
初歇滿地落花蝴蝶飛

綠暗紅稀日漸遲鼠姑開罷又醪醑惜春無計留

春住愁殺風流杜牧之

秋夜曲

何處風吹丹桂香
亂蛩幽咽怨新涼
輕雲不掩嬋娟月
來照羅幃一夜長

喜玉如過訪

爲觸離羣感含毫
擬八哀正當苦吟候
忽報故人來
坐久性情洽
談深懷抱開
還憐日將暮
欲別意徘徊

船婦詞

水面生涯好
蓬窓夜夜春
殷勤囑夫婿
莫載遠遊人

人

秋海棠

片片飛英點院墻
粉容含露泣朝陽
淚痕滿地秋蕭瑟
不爲懷人已斷腸

捉搦歌

西家男兒名阿鳳
東家女兒名阿凰
一鳳一凰相對立
池邊妒殺雙鴛鴦

重九日有感

蒹葭秋水共茫茫
籬菊舒花色漸黃
正是羈人歎遲暮
那堪時節又重
客囊金盡憐蘇季
長鋏歌

關憶孟嘗欲採茱萸還不敢恐教睹物一思鄉

贈彈詞女項金

嬌喉能唱雨零鈴不數南朝柳敬亭說到埋香馬
鬼驛千行珠泪一時零

嗟爾蓬飄歷苦辛半生旅食寄風塵相逢何必悲
輕賤多少天涯失意人

秋柳四首

一堤疎影浸迴汀有客扁舟江上停最是不堪相
對處曉風殘月酒初醒

天外風傳玉笛哀樓頭落葉曉煙開美人睡起寒

珠箔不見濃陰入戶來

蕭疏更莫鬪蠻腰黃葉隨風到處飄繫馬維舟總
顛賴送人那得不魂銷

淡煙寒雨却當門人在西風江上村欲折殘條寄
相憶暮鴉啼徹又黃昏

橐中所為詩近體則十之七古體祇十之三
大約得於友朋酬唱者居多樂府偶一擬之
而未能合古五言長律曩昔少陵以五古單
行法制之故雖句排字比而一章中仍具開
合動盪之致自愧學力疎淺間有所作支離

需賦殊甚不敢濫入編次以使識者噴飯所存如
干首名芑洲吟橐自乾隆丙戌歲春正以來
作也嗟乎頻年彈鋏大類馮驩早歲依人幾
同王粲歎流光之迅速悲壯志之蹉跎才不
如人情難自遣於是客窓有暇每工言平子
之愁旅館無聊亦擬賦文通之恨未能免俗
用質同心時在短至後三日跋

陳鳴鏞字昌虞廩生有夔堂吟草家藏 重出

咏蘭

秀色不輕吐朝來香襲襟最宜君子室曾入聖人
琴靜氣渾俱化幽懷每獨吟何須勞采采常此抱
芳心

蕭日襄字思贊號鶴汀王拙石徵來

荷錢

可堪鷗鷺作生涯南北東西買物華江上煙霞應
有價池邊風月不須賒翻雲覆雨爭誰起浪擲波
漂用太奢除却漁溪無愛爾散鋪十里沒人拏

陸鏞字序東年止二十倡印逸詩今列於末與
周欽來之臨死喜曰我詩亦入別裁矣事同

呵筆

我有青鏤管常鈔冰雪書風威毫力脆氣潤墨苑
舒藉口寒能解因人熱有餘不嫌老且禿憑仗一
吹噓

補裘

棄此殊堪惜還需補綴工一寒何必問百結未爲
窮稱我清貧骨多君拂拭功最憐不可典常使酒
杯空

晨曝

頗覺三冬煖緣知與日親人情如挾纊天意亦憐
貧溜釋玉簪墜窻明紙帳春趙君真可愛千古受
恩均

踏冰

栗烈寒威透冰痕已載途薄應知履慎滑欲倩筇
扶布地生銀甲將心映玉壺世途俱似此切勿任
馳驅

眺雪

不惜冲寒去顛狂驢背翁千山明月裏一徑白雲

通此處詩情瘦誰家畫手工浩然多逸興莫使哭
塗窮

不寐

嚴寒欺薄被萬感赴三更竟是終宵寢而無一夢
成牀前流月影几上暗燈檠此際難消遣拈題強
自撐

送彭治堂歸江右

朔風吹客袖把手意如何南國美人去湘江香草
多深情勞夢想惜別動悲歌山水迢迢路幾時許
再過

辛亥除夕

一歲今宵盡椒花列酒筵貧貧過此夜病喜換新
年身世休回首艱難暫息肩閉門無箇事已自是
欣然

壬子元旦

荏苒浮生二十年壯心躍躍未能宣無錢不辦屠
蘇味淡性偏甘首霜綠寒氣圍爐消室內晴光潑
眼到窻前濡毫搜紙添朝課草草吟成第一篇

水仙

不着人間麝腦煙天香攜自上清仙分明辟穀年

峰頂只飲瑤池百斛泉

末麗

冰肌最可人
暹爾黃昏約
摘向半含時
那許閉關
落

對酒歌

對酒當歌水無迴波來日夫難去日漸多海有蛟
龍山有虎豹乘雲而遊隱霧而嘯胡能常舞
首埋蒿萊一朝駕天層飛落黃金臺賦成去宮翻
銘勒燕然開天子賜顏色星象丰三台位當公侯
名竹帛男兒何可負
終

即中大師自序

予平生不善詩然率意吟成而人亦有喜之者
此嗜痴之癖也詩成被人取去亦不存橐其不
欲示人明矣許竹隱兄以佳箋數十屬予錄平
生詩寺中乘暇錄百餘首皆平淡無奇聊自見
意耳其論道則有云學道三十載食梅始知酸
此意之最著者也敘情事則有云盡說余當死
誰知尚戀生此語之最該者也歎遭遇則曰數
載偷生應乞食袈裟欲上泛湖舟此情之不堪
者也述世態則曰憶昔夢中逢彈冠整衣賊此

事之最確者也語多鄙樸可厭竹隱兄又何取
焉然我老矣從遊者或合或離莫念吾老其惡
吾者莫如圓聞公芳兩人不知余之老也與我
者莫如垣止爾雨兩人亦不知余之老也則余
之老惟自知之詩有謂浩歎驚山鬼哀吟動廟
神蓋自傷心多矣竹隱兄實念我老恐有佳句
散失不傳故委錄詩今試觀伯首之中有何佳
句之可得乎

癸亥夏照宗師從永嘉來口占以贈

今我心不樂思君來何遲丈夫能未展觸物有餘

悲相對轉寂寥深言垂涕洟南宗人已遠江左孰
堪師

夜聽王生彈琴

靜夜聞絲桐空堂響秋水調急生新聲憂哀滿人
耳感歎不足言所貴會玄理寡師曠音千春蕩
塵滓

寄馮元陵

巍巍何必山洋々何必水吾友馮元陵心事即如
此曩歲讀書南海濱雙眉不點人間塵浙中名流
盡相識往往傑士多沉淪佳句留四明高興探禹

穴明月不畏人緇染自應絕忽泛輕舸遊電白阿
翁獨愛東床客作文投入十八灘潑天風浪寧相
兀迴橈向吳門過予多寒暄昔日少莊語茲來無
謔言俗夫重權勢時事終莫論五交古所戒良友
情宜敦寂寂虛堂坐寒夕兩病猶然互扶掖熱腸
一洗清冷淵奇懷欲化巉巖石君今別去歲已更
穀波將散溪中萍約予二月更相訪時時惚恍聞
流鶯抱疴半載心無力復睹花飛空 息擬搆新
詩寄故人何由寫盡春巒色

懷瑩公留金華

吳會予猶住蘭江爾獨過錫邊青靄破衣外白雲
多留滯豈拘地愁懷且放歌嚴冬聞見訪雨雪莫
爲魔

蔣伯玉先生七十詩以祝之

山川日已舊雲物苦不新天命似中改干戈生楚
秦王師但奔北玉殿成灰塵最感幽州變難比桔
柏津先生老鶴市卓然園綺倫世運方秋冬談笑
能生春當爲王者佐寧是草莽臣逐鹿今未定治
安竟誰陳沐猴冠滿路傑士多沉淪何不迴車駕
訪此臧丈人

乙酉除夕寓開元寺

春風花尚開夏亂城莫守秋蟲鳴壁間今夕復何
有嗟予處鶴市樗散漸成叟寄跡鐘鼓間影靜驅
烏後憶昔三十年夢遊入岫嶠階墀借月白翻經
案將朽忽作餘燼男兒童謂我醜法道苟可傳四
恩幸無負

卽中師原有妻子年三十當天啟時出家濤侯
有兄泰貞字尚于俱師事之此濤侯之子樹
金從石梁世叔鈔得則卽中師又似在家者陳
非地藏本係戴氏之壻也

超最姓朱字麗暹住鶴山禪院僧銳園口述

懷鄧尉梅花

萬樹梅花鄧尉傍春風渺入雲香何時得泛扁
舟去玉笛長吹震澤霜

戒顯字願雲華山人住海藏

東許孝酌

蒼煙寒雪絕追尋爲愛同人下碧岑廿載久陪揮
麈社一門重惠給孤林殮風龍象依蓮漏識主禽
魚感梵音精舍已成堪井磴愿拋黎火坐秋陰
育賢字覆蔭

贈許禹三

風流年少事幽居不戀浮名作校書黃鶴身如耽
散逸白雲心似寄清虛右軍筆掃千人敵工部才
翻四庫餘冰鑒高懸時倚重龍門聲價讓平輿
行彝號休庵

送張伯年赴館

之子飄然去天涯不我知言歸蓮社在共爾好吟
詩

季春

三春天氣好短棹欲何之野館鶯花落江村穀雨

時舊游真契闊客路歎馳驅不有西溪隱誰人慰
我思

德元 以下俱出秀野堂壁

癸亥仲夏重過海藏追和晦翁韻

寥落乾坤身未歸百年如夢壯心違重來香刹荒
無恙回憶名園事已非首藉可供高士飯芟荷堪
製野人衣最憐羈客關情處衰柳鳴蟬共夕暉

己酉陽月重過海藏

戒顯

秋老隨黃葉扁舟訪舊宮悲風寒壑動驟雨夜堂
空禪寂憐蕉鹿鄉心隔塞鴻谿橋重別去回首憶

林中

訪心公

據經老人彭庭梅

不定行踪似轉蓬尋師一路問松風小童遙指人
寰外杖履親來海藏中三洞橋通天上下兩溪水
繞寺西東試看蓮社依然在今日心公即遠公

春日晤心公上人

客山李果

墻陰四面水周遮野墅橋通一徑斜日暮鐘鳴客
竟住愛師兼得愛梅花

臨岐一語寫詩箋記取年年六月天倫社開時應
名我姓名香過李青蓮

後序

莫患名之不傳而患名之不立莫患文之不
傳而患文之不佳名以文傳文以佳傳理也
然三代之文多不著其名蓋所重在文不在
名所重在文者使後人讀之可以感發可以
懲創如三百篇大半皆出里巷之歌謠采其
詩知其俗歷千伯年來猶曰魏風褊急唐風
勤儉國風之不淫於好色小雅之不亂其怨
誹也我里天隨而後雖販夫牧豎鉅工藝士
往往能詩而傳者蓋少豈名之不足立歟抑

文之不盡佳歟今校其詩而知之矣夫俗之
好尚縱飲鬪博者有矣徵歌逐舞者有矣能
於閒暇無事時以吟咏陶寫其性情者亦如
彼之所好耳何有於名之立不立文之佳不
佳哉故詩成不自惜而後人亦視以爲常不
知珍重致多散失迄今有考其名而亡其詩
者得其詩而亡其名者亦不足致慨也富貴
者當時則榮沒則已焉貧賤之士著書累萬
半供覆瓿則名與文之傳又若有數焉己酉
冬陳果園以汪慢亭質絕之活字六千有奇

授余念無所用一不龜手之藥耳庚戌秋與
里人籌有以里中之軼詩爲告適廬陵彭治
堂先生在座贊而序之凡得七十三家分爲
二卷以癸丑歲立秋日告竣

祖開蔣兄敘佚詩末曰儻得謀一葦之航相
與參互考訂卽樂事也不知蒼者假我年
否余因命逸詩續編曰假年錄夫花甲以後
之年爲餘年嫁娶已畢之人爲餘人搜羅散
失之事爲餘事以餘人得餘年爲餘事必得
其成如逸詩之初編是已然初編可必續編

不可必初編之成也俱出之同好之家續編之成也將求之不同好之家蓋人各有好我既不能隨人之所好而好之人亦何能隨我好而好之哉則餘事之不可必與餘年之不可必若難而若不難焉寧使餘年不可必冀繼我之有人毋使餘事不可必即假予以年無益也蔣兄長予二歲遠在萬里年可必歸可必餘事可必相與叅互考訂其樂果何如哉毋使年俱可必而歸期與餘事同一不可必也噫六月十一夜半雷雨時書

逸詩未印姓氏入二編假年錄

陳道立 企洋 金俊明 耿庵

蔣德掇 公遜 許楚 芳成

鉉 伯玉 孟宏 元溥

澐 伯起 名 瞻之

仲發 王丁濂

徐世源 雍 藹如

方岳 山育 果貽 硯亭

彬 士容 大成 振玉

十名氏 飛瓊 閨秀

戴樹金 聖流

亡名氏

周 模 哲臣

包 湘 竹溪

照 伊珮

顧時鴻 淞厓

宣 魯齋

錢允治 少室

蘭

斗光

德 琛 莪庭

管學淵

劉大基 洪發

陸佐調

僧正詣

心一

性 初

聖學淵源

